

OKVIRNI SPORAZUM

I SPORAZUMNE STRANE

KJP „ZOI'84“ OCS d.o.o. Sarajevo

Sjedište: Alipašina bb, 71000 Sarajevo
Koga zastupa direktor mr. sci Midhat Hubijar
Identifikacijski broj: 4200347000004
(u daljem tekstu: Naručilac)

i

Bosman d.o.o., Sarajevo

Sjedište: .Rakovička cesta 18, 71000 Sarajevo
Kojeg zastupa direktor Sunija Jahić
Identifikacijski broj: 4200329520009
Identifikacijski broj obveznika PDV-a: 200329520009
Transakcijski broj banke, ime i sjedište banke: 1990490077642145 Sparkasse bank, Sraajevo
(u daljem tekstu: Izvršilac)

II PREDMET SPORAZUMA

Član 1.

Predmet ovog Sporazuma je pružanje usluga zimskog održavanja parking prostora i pristupnih puteva na Zetri prema Tenderskoj dokumentaciji broj 2458/17 i Ponudi Izvršioca, broj 570/P/17 od 26.10.2017. godine, koji su u prilogu ovog Sporazuma i čine njegov sastavni dio.

II MJESTO I VRIJEME PRUŽANJA USLUGA

Član 2.

(1) Usluga će se vršiti u OJ Zetra.

(2) Izvršilac se obavezuje da će usluge iz član 1. izvoditi stručno i kvalitetno kamionom i ralicom posipačem sa posipalom, prema postojećim tehničkim normativima.

(3) Izvršilac je obavezan da se odazove pozivu za izvršenje usluge u roku od 24 sata od pismenog poziva Naručioca.

IV CIJENA I NAČIN PLAĆANJA

Član 3.

(1) Okvirni sporazum se zaključuje sa procljenjenom vrijednosti u iznosu od **14.000,00 KM** (četnaesthiljada i 00/100 KM) bez uključenog PDV-a, odnosno **16.380,00 KM** (šesnaesthiljadatristotineosamdeset i 00/100 KM) sa uključenim PDV-om i to:

(2) Cijena čišćenja snijega i posipanja solju/kamenčićima po efektivnom satu rada stroja iznosi 160,00 KM bez PDV-a, odnosno 187,20 KM sa PDV-om po efektivnom satu rada stroja.

(3) Efektivni sat rada stroja smatra se rad na čišćenju snijega ili posipanjem kolovoza izraženo u satima, a računa se od početka intervencije do povratka sa intervencije. Naručilac pismenim nalogom utvrđuje početak i kraj efektivnog rada.

Član 4.

(1) Obračun poslova na čišćenju i posipanju solju vršiće se na osnovu evidencije o utrošenim satima na čišćenju, prethodno potpisanim i prihvaćenim od strane ovlaštene osobe Naručioca.

(2) Plaćanje dobavljaču će se vršiti u roku od 30 dana na osnovu ispostavljenih računa te dnevnika rada stroja i radnih naloga koji su sastavni dio računa.

Član 5.

Za koordinaciju operativnih aktivnosti na realizaciji ovog Sporazuma, na način i u ugovorenim rokovima, imenuju se:

- za Naručioca: Suad Jusić, 061/863-326.
- za Izvršioca: Kenan Skršo, tel. 033/762-061.

V STUPANJE NA SNAGU I RJEŠAVANJE SPOROVA

Član 6.

(1) Ovaj Sporazum stupa na snagu danom obostranog potpisivanja od strane ovlaštenih lica sporazumnih strana, a zaključuje se na period od 12 mjeseci.

(2) U ugovornom periodu, sporazumne strane imaju pravo da za predmet sporazuma opisan u članu 1. ovog okvirnog sporazuma zaključuju pojedinačne ugovore po potrebi bez primjene postupaka utvrđenih u Zakonu o javnim nabavkama Bosne i Hercegovine, u pogledu svakog od ugovora koji su zaključeni po osnovu ovog okvirnog sporazuma.

(3) Ukoliko Izvršilac u odgovarajućem roku i na ugovoren način ne bude izvršio ugovorene obaveze, kao i u slučaju neopravdanog kašnjenja dužem od 1 sata, cijena čišćenja snijega i posipanja solju/kamenčićima umanjuje se za 30%.

(4) Ukoliko se tokom izvršenja Ugovora utvrdi da je postupak dodjele Ugovora zasnovan na značajnim greškama, nepravilnostima ili prevari za koje je odgovoran Izvršilac, Naručilac može odbiti ili obustaviti plaćanja po ovom Sporazumu, zahtijevati povrat plaćenog iznosa ili raskid Sporazuma u odnosu na obim i ozbiljnost grešaka, nepravilnosti ili prevara.

(5) Ugovorna kazna ne oslobađa Izvršioca od odgovornosti po propisima o obligacionim odnosima za neispunjenje ili neuredno ispunjenje Sporazuma, sve do namirenja stvarne štete.

(5) Naručilac neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Izvršilac nije mogao uticati niti ih predvidjeti.

Član 7.

Svaka od ugovornih strana može pokrenuti postupak raskida Ugovora ako druga strana ne izvršava preuzete utvrđene obaveze, uz otkazni rok od 15 (petnaest) dana.

Član 8.

Eventualno nastale sporove pri realizaciji ovog Sporazuma, sporazumne strane će rješavati mirnim putem, u protivnom ugovara se nadležnost suda opšte stvarne nadležnosti u Sarajevu.

VI OSTALE ODREDBE

Član 9.

Izvršilac nema pravo da u svrhu izvršenja ovog Sporazuma zapošljava, fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje šest mjeseci po stupanju na snagu istog.

Član 10.

Za sve što nije regulisano ovim Ugovorom primjenjivaće se odredbe propisa o obligacionim odnosima u Bosni i Hercegovini.


Član 11.

Punovažne i obavezujuće su samo one izmjene i dopune ovog Sporazuma koje su sporazumne strane sačinile sporazumno i u pisanoj formi.

Član 12.

Ovaj Sporazum je sačinjen u 4 (četiri) istovjetna primjerka od kojih svaka sporazumna strana zadržava po 2 (dva) primjerka.

Za Izvršioca




Sunija Jahić, direktor Bosman d.o.o.
Sarajevo



Za Naručioca



mr. sci Michat Hubijar,
direktor KJP ZO'84 OCS d.o.o.



Datum: 30.11. 2017. godine

Datum: 01.12. 2017. godine

Broj: 172/0/17

Broj: 3085/17